

NYUMBA YA HAKI YA ULIMWENGU

Ridván 2001

Kwa Wabahá'í wa Ulimwengu

Marafiki wapendwa sana,

1. Kwa furaha kuu mioyoni mwetu na matarajio ya juu, tunakuja kwenye majira ya Ridván hii katika mabadiliko ya muda, wakati hali mpya ya fikra ni dhahiri miongoni mwetu sote. Kote katika jamii yetu ya ulimwengu kuna utambuzi ulioongezeka juu ya thamani ya mchakato, haja ya upangaji na ubora wa utendaji wa kiutaratibu katika kusaidia ukuaji na ukuzaji wafanya kazi ambao kwa hao upanuzi unaweza kudumishwa na uimarishaji kuhakikishwa. Upatano wa uelewa kuhusu mahitaji haya ya maendeleo hauwezi kuthaminiwa kupita kiasi, wala umuhimu wa kuyadumisha kupitia mafunzo yaliyopangiliwa vyema kuweza kukadiriwa kupita kiasi. Na hivyo ufikiaji wa jamii yetu kwenye muda kama huo wa ufahamu ni wakati maalum wa maana kwetu. Tunamshukuru sana Uzuri Uliobarikiwa kuweza kuutambua na kuupokea kwa shangwe mwanzoni kabisa mwa shughuli ya ulimwengu inayoanzishwa katika siku hizi za sherehe.

2. Nguvu ya nia iliyofanyizwa na ufahamu huu iliainisha mkutano wa Washauri wa Bara na wajumbe wa Bodi zao za Usaidizi ambao walikusanyika Januari iliyopita katika Nchi Takatifu. Tukio hilo lilifanyiza uzoefu mwangavu mno hata kuashiria uingiaji wa Imani kwenye kipindi kipya, cha tano katika Zama zake za Ujenzi. Upya wa nguvu kama hiyo iliyooneshwa katika mkusanyiko huu wa kihistoria ilikuja kueleweka kama udhihirisho wa uibukaji wa ubora wa shughuli katika jumuiya nzima. Ufuatiaji wa mambo ya kimsingi katika mwaka uliopita kwa ajili ya uendelezaji wa mchakato wa uingiaji kwa makundi ulithibitisha uelewa huu. Hivyo, njia iliandaliwa kwa ajili ya Mpango wa Miaka Mitano, hatua ya kwanza inayoingia katika Kipindi hiki cha Tano.

3. Katika kuongeza jitihada kuu za Mpango wa Miaka Minne uliopita ambao ulileta zaidi ya taasisi za mafunzo 300, Mpango wa Miezi Kumi na Mbili ulitimiza kusudi lake. Ulijipatia umuhimu kwa miitikio ya asasi na watu binafsi kwenye mwito wa umakinikiaji mkubwa wa uleaji wa kiroho wa watoto na ushirikishwaji wa vijana chipukizi katika maisha ya jumuiya ya Kibahá'í. Ufunzaji wa walimu wa madarasa ya watoto na ujumuishaji wa vijana chipukizi katika mchakato wa taasisi umekuwa sehemu ya kawaida ya shughuli ya Kibahá'í katika nchi kadhaa. Licha ya ufupi wake, Mpango wa Miezi Kumi na Mbili ulikuwa na umuhimu zaidi ya malengo yaliyowekwa mahsusi. Mpango huo ulikuwa kiungo cha nguvu ya mabadiliko kati ya kipindi kilichojaa matukio mengi sana katika historia ya Kibahá'í na matarajio yenye matumaini makubwa mno ya kipindi kipya, ambao mafanikio yake yameiandaa vyema sana jumuiya kwa ajili ya kipindi hiki kipya. Umechorwa pia katika kumbukumbu zetu kwa ajili ya matokeo ya kudumu ya shughuli za Imani mwishoni mwa karne ya ishirini–karne ambayo hustahili kutafakiriwa na Mbahá'í yeyote ambaye hupenda kufahamu nguvu za machafuko

ambazo ziliathiri maisha ya sayari na michakato wenyewe wa Hoja kwenye wakati wa muhimu sana katika mabadiliko ya hatua kwa hatua ya kijamii na ya kiroho ya mwanadamu. Kama msaada katika jitihada yenye thamani kama hiyo, Karne ya Mwangaza, mapitio ya karne ya ishirini, yaliandaliwa kwa matakwa yetu na chini ya usimamizi wetu.

4. Mara nyingi wakati wa jitihada hii ya mwaka mmoja, shughuli za Imani za mambo ya nje zilionekana hasa. Fikiria, kwa mfano, kitendo cha wawakilishi wa Kibahá'í baada ya kushiriki kikamilifu katika matukio ya milenia yaliyofanyika mnamo Mei, Agosti na Septemba kwa uhimizaji wa Katibu Mkuu wa Umoja wa Mataifa. Maana ya kujihusisha kwa ukaribu mno na kwa uwazi kwa Jumuiya ya Kibahá'í ya Kimataifa na mchakato wa Amani Ndogo itahitaji muda wa mpito kuielewa vyema. Miongoni mwa matukio mengine yaliyojitokeza lilikuwa kongomano la kibara lililotayarishwa huko India na Taasisi ya Mafunzo kwa ajili ya Ustawi wa Ulimwengu, wakala mpya atendaye kazi chini ya himaya ya Jumuiya ya Kibahá'í ya Kimataifa. Likibeba dhima ya “sayansi, dini na maendeleo”, kongamano hilo lilihusisha ushiriki wa mashirika makuu yasiyo ya kiserikali ya India, vile vile yale mashirika yenye kutambulika kama UNESCO, UNICEF, WHO na Benki ya Dunia. Mnamo Oktoba, Huduma za Habari za Ulimwengu wa Kibahá'í (BWNS) ilizinduliwa kwenye Intaneti ikiwa na lengo la kufikia hadhira ya Wabahá'í na wasio-Wabahá'í kwa habari za masimulizi kuhusu maendeleo katika ulimwengu mzima wa Kibahá'í.

5. Shughuli shadidi kwenye Makao Makuu ya Kibahá'í ya Ulimwengu kipindi cha mwaka uliopita, kwa sehemu kikubwa zaidi, zilitambulishwa kwa marafiki kupitia taarifa zilizopita ambazo zilijumuisha marejeleo kwenye mafanikio kama uwepo wa kudumu wa Makao Makuu ya Kituo cha Ufundishaji cha Kimataifa kwenye Mlima Carmel; Kongamano la Washauri wa Bara na wajumbe wa Bodi zao za Usaidizi lililofanyika katika Nchi Takatifu Januari iliyopita; na ukamilishwaji wa miradi ya Mlima Carmel, ambayo hivi sasa inafanyiwa umaliziaji wa hatua za mwisho katika maandalizi kwa ajili ya matukio ya usherehekeaji mnamo Mei. Oktoba iliyopita, kwa mara ya kwanza, mahujaji na wageni walipokelewa kwenye Kituo Kipya cha Mapokezi mjini Haifa, ambacho kilikamilika kiutendaji. Huko Bahji upambaji wa mahali hapo patakatifu kupitia uendelezaji wa bustani zake umekuwa ukiendelea bila kukoma; hata hivyo, jitihada hiyo ilipata nguvu ya msaada kutoka ule mradi mpya ulioanzishwa mwaka uliopita wa kujenga Kituo cha Wageni kuelekea mwishoni mwa jengo kaskazini mbele ya Lango la Collins. Likipangwa kumalizika katika miezi michache ijayo, jengo hilo limekamiliwa kikamilifu, na kazi inaendelea katika maeneo yote, ikijumuisha umaliziaji na utengenezaji wa mandhari. Majengo haya mapya yataongeza uwezo wa Makao Makuu ya Ulimwengu kupokea idadi ziongezekazo za mahujaji, wageni wa Kibahá'í wa muda mfupi, na wageni maalum.

6. Kuhitimisha muhtasari huu wa mwaka, tunafurahi kuwaarifu kwamba, baada ya kupita kwa karibu miongo mitatu, Baraza la Kiroho la Kitaifa la Wabahá'í wa Indonesia lilirejeshwa kwenye Mkutano Mkuu wa Kitaifa uliofanyika huko Jakarta Ridván iliyopita. Katazo lililowekwa kwa shughuli za Kibahá'í mnamo Agosti 1962 lilizuia vikali vitendo vya Wabahá'í wa Indonesia kwa wakati wote huo, lakini walibakia thabiti na wenye busara katika ustahimilivu wao hadi hapo hali ya mabadiliko ilipotokea katika nchi hiyo kwa

uondoaji wa katazo hilo. Hivyo, tungeliwezaje kudiriki kutumaini kwamba taarifa ya kufurahisha kama hiyo kuhusu waumini wenzetu wanaohangaika huko Iràn, Misri na nchi zingine isingelikuwa mbali mno?

7. Marafiki Wapendwa: Miongo miwili kutoka sasa ulimwengu wa Kibahá'í utasherehekea siku kuu ya miaka mia moja ya mwanzo wa Zama za Ujenzi. Tunatazama nyuma kwenye Zama hiyo ya Mapambazuko kutoka kwenye sehemu kuu ya mafanikio ambayo ingelikuwa vigumu kuwazia hapo mwanzoni. Hapo mbele ni peo ambazo kwa haraka huiita jamii kwenye mafanikio yaliyo hata makubwa zaidi katika muda huo mfupi unaoitenga kutoka sherehe ya siku kuu ya miaka hiyo mia moja. Vilele hivyo vinaweza na lazima vikwewe. Mpango wa Miaka Mitano, ambao kwake tunaita umakinifu wa haraka na wa kudumu wa marafiki kote ulimwenguni, umekusudiwa kuikabili changamoto hii. Hujumuisha mfululizo wa kwanza wa kampeni ambazo zitafulatiliwa katika muda wa miaka hii ishirini. Mpango huu huashiria awamu inayofuata katika shabaha ya kutimiza uendelezaji wa maana katika mchakato wa uingiaji kwa makundi. Huhitaji uchapuzwaji wa mchakato huu muhimu na, zaidi ya hayo, husisitiza juu ya mwendelezo katika jitihada za kiutaratibu kwa wale washiriki wake watatu: mtu binafsi, asasi, na jamii.

8. Hakuna haja ya kufafanua juu ya mahitaji ya Mpango huo, kwa kuwa mahitaji hayo yaliandikwa katika ujumbe wetu kwa Washauri waliokusanyika katika Nchi Takatifu na baadaye kushiriki na Mabaraza yote ya Kiroho ya Kitaifa. Mara baada ya kongamano lao, Washauri walianza kushauriana na Mabaraza ya Kitaifa juu ya utekelezaji wa Mpango huo katika maeneo yaliyo chini ya mamlaka yao. Uelekeo wa Mpango hivyo unafahamika kwa marafiki kila mahali, kadiri maandalizi ya kikanda na mahali kwa ajili ya ufuatiliaji wa shabaha yake kuu yanavyoendelea. Kuna utambuzi wa jumla hadi sasa kwamba jitihada zitafanywa kusababisha upenyezaji wa kina zaidi wa Imani katika maeneo zaidi na zaidi ndani ya nchi. Kwa mfano, pale ambapo hali huruhusu, jumuiya za mahali ambazo huishi katika ujirani wa karibu moja kwa nyingine zitahamasishwa kushiriki katika program shadidi za ukuaji. Mbinu zingine zitahitaji njia za ufunguaji wa maeneo mapya ambamo watangulizi wa ndani lazima waandaliwe kwa moyo ule ule wa kujitenga ambao ulishawishi wale ambao walitawanyika kote katika nyakati za mwanzoni kufungua nchi ambazo bado hazijaguswa ng'ambo ya mabara na bahari. Inatosha kusema kwamba mchakato unaohuisha shughuli hii yenye msukumo wa Kimungu hatimaye utapanuka kadiri sura muhimu zihusianazo zinavyoingizwa pole pole na kuunganishwa kwa utaratibu katika utendaji kazi wake.

9. Sura muhimu ya Kipindi cha Tano itakuwa usitawishaji wa maisha ya ibada ya jumuiya kupitia uinuaji wa Nyumba za Ibada za kitaifa, kadiri hali katika jumuiya za kitaifa zinavyoruhusu. Upangaji wa miradi hii utaamuliwa na Nyumba ya Haki ya Ulimwengu kuhusiana na uendelezaji wa mchakato wa uingiaji kwa makundi ndani ya nchi. Maendeleo haya yatakunjuka katika kipindi chote cha hatua za mfuatano wa Mpango Mtakatifu wa 'Abdu'l-Bahá. Baada ya ukamilisho wa Hekalu Mama la Magharibi, Mlinzi alianza program ya kujenga mahekalu ya mabara. Ya kwanza miongoni mwa haya yalikuwa Mashriqu'l-Adhkar huko Kampala, Sydney na Frankfurt, ambayo yalijengwa kwa kuitikia malengo ya Mpango wa Miaka Kumi. Nyumba ya Haki ya Ulimwengu iliendeleza na ujenzi wa Mahekalu katika Jiji la Panama, Apia, na New Delhi. Lakini hatua

hii ya mabara bado haijatimizwa: jengo moja zaidi limebaki kujengwa. Ni kwa shukrani za dharti kabisa na furaha kwamba tunatangaza katika wakati huu wa heri uamuzi wa kuendelea na mradi huu wa mwisho. Katika kipindi cha Mpango wa Miaka Mitano, ujengaji wa Hekalu Mama la Amerika Kusini huko Santiago, Chile, utanza na hivyo kutimiza matakwa yaliyoelezwa kwa uwazi na Shoghi Effendi.

10. Wakati huo huo, muda unafaa kwamba hatua zaidi zichukuliwe katika Makao Makuu ya Ulimwengu kuendeleza kazi za asasi zinazomiliki majengo hayo mapya kwenye Tao. Kituo cha Ufundishaji cha Kimataifa, baada ya kuendelea kwa kiasi kikubwa katika kazi yake, umakinifu utatolewa hususan kuandaa kazi ya Kituo kwa ajili ya Ujifunzaji wa Maandiko. Uongezaji tafsiri katika Kiingereza kutoka Maandiko Matakatifu litakuwa lengo maalum la umakinifu huu. Kusudi la asasi hii ni kuisaidia Nyumba ya Haki ya Ulimwengu katika kurejelea kwenye Maandiko Matakatifu na kuandaa tafsiri na fafanuzi juu ya maandiko yenye mamlaka ya Imani. Zaidi ya hayo, katika Nchi Takatifu, jitihada endelevu zitatolewa kwenye ubunifu wa hatua zitakazowezesha ongezeko kubwa zaidi la idadi ya mahujaji na wageni wajao kwenye Makao Makuu ya Kibahá'í ya Ulimwengu.

11. Katika ujumbe wetu wa Ridván miaka mitano iliyopita, tulitangaza ufanyikaji wa tukio kubwa kwenye Makao Makuu ya Ulimwengu kuashiria ukamilikaji wa miradi kwenye Mlima Carmel na ufunguzi wa Ngazi za Kaburi Takatifu la Báb kwa umma. Wakati umetufikia, na tunashangilia sana kwa matarajio ya kuwakaribisha marafiki kutoka takribani nchi zote kwenye program ambazo zitaendelea kwa zaidi ya kipindi cha siku tano, Mei 21 – 25. Pia tuna furaha kusema kwamba hatua zinachukuliwa ili kuunganisha ulimwengu wa Kibahá'í kwenye matukio haya kupitia urushaji mubashara katika Tovuti ya Ulimwengu na satellite, ambamo habari zake zinatolewa. Kadiri Makao Makuu ya Ulimwengu yanavyomakinikia juu ya maandalizi haya, hamasa inaongezeka miongoni mwa umma mjini Haifa, ambapo mamlaka za manisipaa zimejiandaa kuchapisha kitabu kiitwacho *Kaburi Takatifu na Bustani za Kibahá'í kwenye Mlima Carmel, Haifa, Israel: Safari ya Kimaono* itaambatana na na tukio hili. Zaidi ya hayo, Mamlaka ya Posta ya Israel inafuatilia uamuzi wake wa kutoa wakati huo huo stempu ya ukumbusho inayoonesha zile Ngazi. Umuhimu wa tukio hili kimsingi umo katika utulivu ambao utaruhusu upitiaji upya wa umbali wa kustajabisha ambao Hoja imeupita katika maendeleo yake katika kipindi cha karne ya ishirini. Vile vile utakuwa ni wakati wa kufikiria matokeo ya baadaye ya mafanikio makubwa yanayoashiriwa na uinuliwaji wa miundo ya kuvutia kwenye mlima mtakatifu wa Mungu–uinukaji ambao hufungua vituo vya kiroho na vya kiutawala vya Imani yetu machoni pa ulimwengu.

12. Kadiri jumuiya yetu inavyofurahia fikra hizi za kusesimua, acha kila mwana-jumuiya akumbuke kwamba hakuna muda wa kuridhika na mafanikio. Hali mbaya ya hivi sasa ya jamii ya binadamu ni ya kukatisha tamaa mno kuwezesha kusita hata kwa kitambo kidogo katika kushiriki Mkate wa Uzima, ambao umeshuka kutoka mbinguni katika wakati wetu. Acha pasiwepo ukawiaji, basi, katika kuendeleza mchakato ambao una kila matumaini ya mafanikio katika kuzikaribisha kwenye meza ya karamu ya Bwana wa Majeshi roho za wale wote ambao hutamani sana ukweli.

13. Acha Yeye Ambaye huangalia hatima ya Mfumo Wake mtakatifu aongoze na kuelekeza na kuthibisha kila jitihada muifanyayo kuelekea utambuzi wa kazi za haraka zilizowekwa mbele yenu.

Sahihi: Nyumba ya Haki ya Ulimwengu